

A BAINZU TRUDDAIU

In un'iscatuledda'e carta pista  
Po sas memorias miss riservada  
Varios chilos de cart'ammassada  
Appo de prosa e poesis mista.-

De batter'o chimb'annos sa rivista  
De s'ISCHIGLIA (ormai tramontada)  
Cumpleta sa raccolta, destinada  
Forzis'a una vine umil'e trista.-

No ha'valore e dae tant'in tantu  
Mi gustad'a l'aperre e carchi orta  
Mi vache'nud'in gula su piantu.-

Bid'a bint'annos sa vida risorta  
Ma che da'muros de su campusantu  
Non pode pius torrare a mieses morta.-

=====

De rechente, a distanza'e carchi die  
Vantasticande in sa vana chimera  
Mi paris in piena primavera  
Collinde vroxes d'imbiare a tie.-

Ma pensande una dedica de iscris'e  
D'unire in nastro o busta messaggera  
Torra'sa realtade pura e vera  
E a postu de rossas bido nie.-

Non isperes pius Bainzu amadu  
Cossas de judu(1) da' s'amicu tou  
Chi s'attonzu ha'raggiuntu e superadu.-

Su libru 'e sa vida a pempu'sou  
Chere'lettu: Capitolu passadu  
Non si pode'rilezze'dae nou.-

B A R I S O N E

(1) valore.-

A SA CARA MEMORIA DE  
ANGELINA CANSILLA  
= = = = =

Sent'a coro sa perdita in vigore  
D'un'avvenente creatura belle  
Angela vi'de lumene e modella  
De visu, personaggiu e de amore.-

Lastima intendo narre chin dolore  
Da'ognunu chi po issa da'favella  
Tempus dae mente su dolu cancella  
E i sa tumba ache' naschire vrore.-

Mudala (1) cussa terra preziosa  
Chi rachiude'sa salma adorada  
De gravellu, zarminu, lizzu e rosa.-

Sa bell'anima certu es coronada  
Da'omonimas suas ca dizzosa  
Pura tra issas a chel'er volada.-  
= = = = =

E tue preca, mamma addolorida  
A su Signore chi ti de' talentu  
De dominare su tristu lamentu  
Chi coro e mente tened'opprimida.-

Non ti convinca'sa lacrima infida  
Chi cresce', non solleva' patimentu  
Unu se cru dovere, unu cuntentu  
Has de lograre e compiere in sa vida.-

Tenera prole t'ide' pianghende  
Po sa perdita vizza e coro a coro  
Si comunicad'e bive' suffrende.-

Sorrìde a cussu teneru tesoro  
Pensa chi solu a t'ide' sorridende  
Er brassamu, salute e ghia issoro.-

B A R I S O N E

(1) adornala.-

A    GOMPARE    TATANIU    LAI    

Una musca mi enid'a su nasu  
E perdo tempus a mila cazzare  
Tantu torra'deretta, no'ha'pasu  
Ne menzu'locu inue si posare  
A sa coa (1), sa manu ottà a casu  
La zappada e decido a l'isalzare  
Las tiro e ndeli restad'una sola  
E l'imbol'a dispettu nendeli:ola.-

E' ridicul'a ponner'a cunfrontu  
Chin nois'una musca noiosa  
Ma torrad'utile a su nostru contu  
Po rende una resone luminosa  
Che a sa musca m'haiz fatt'affrontu  
Secandeminche s'ala ispassiosa  
Cedendemi a cantare in allegria  
Supr'a su luttu de sa idda mia.-

Su luttu no'e'sol'in bidde nostra  
Su sentimentu no e'sol'in bois  
In dogni locu b'e'sa rima ostra  
D'inçende prantu, lamentos e ois  
Si nosinde mandamus in sa pèsta  
E'lezze torta chi hachinu'nois  
Dognia idda ha de ois sa provista  
Dogni pessone in coro ha'parte trista.-

Orfaneddos e bezzos'e gattias  
Forman'oje sa phopolazione  
Prantu, luttu, lamentos, angustias  
Ha'sa mirada de dogni pessone  
Penas chi dae me non son fuiss  
Antis potentes'in su coro sone  
Ma s'azzungo lamentu a su lamentu  
Es'che azzunghe linna a focu tentu.-

Amicos caros sa ghera m'ha'mortu  
E moribundos 'nd'apo jutt'a pala  
Atteros mi pediana cunfortu  
Chin boches de lamentu a donni'ala  
Si e los pranghe'mi ipi resertu  
Aio 'atpu un'azione mala  
D'omine vile ca si mi muttians  
Est'azzudu e non prantu chi cherians.-

    B    A    R    I    S    O    N    E    

(1) alla fine.-